

Kondilom

Rodea tu informacija ki javer čhib? Dža akate www.hivportalen.se

O kondilom avela taro viris, humant papilomvirus tiknjardo sar HPV. O kondilomi sikavgjola butputi sar bradavice thaj buvljarela pes ko biarakhlo vaginalikano pašljojbe, analikanoseksi thaj oralikanoseksi. O virus šaj thaj te buvljarela pes ko solduengoro barabar onaniriba keda jek upro jekheste onanirinela sar keda i mortik morela pese mortikaja. O pharipa tane thaj but lokhe, ama o bradavice šaj te osetine sar našukarhošale (neprijatna).

SAVE SIMPTOMIA ISI KO KONDILOM

Na valjanela te oven tut nisave simptomia taro kondilom. Ako ovena tut simptomia šaj te džal disave kurke dži disave masekija anleder te sikaven pes ki forma sar bradavice. O bradavice bešena thaj but trujal (okolu) o bijkeribaskere (pol) organija thaj šaj te araken pes ko paluno thule poreskoro phravdipe (gužnjako) ja ko mutereskere poreskiro phravdipe (thavdipe). O bradavice tane okrugla thaj bajrona lari lokhe naupre, ja palem khedime sa ko jek than sar buketia. O bradavice šaj te dikhen pes ama ko nesave oviba pharoj te otkrinjen pes. Šaj thaj te ovel tut harojba, te phajrol tli mortik tikne ratvaribaja thaj te tharel trujal (okolu) o bijkeribaskere (pol) organija taro kondilom. Tut sar džuvli šaj ko pašljojba te osetine dukha ko džuvljano organi. Ko nasakodivesutne (retko) ovibe (slučaja) ikljola o kondilomi ko mujeskere šupline.

Ko nesave oviba (slučaja) šaj o kondilomi te mirujnel ko trupo masekoncar dži ko disavo berš anleder te ikljol (diso so ovela jekhevestar).

TESTIRIN TUT TARO KONDILOMI

Nane testi so šaj sikavela so isi tut kondilom, ama isi specialisti so šaj te dikhel tut ako šubakereja so isi tut kondilom, o dikhljariba tano bilovengoro.

SASTLJARIBA

O HPV-virus sastljarela pes, ama odova šaj te lel but vakti. Thaj i o bradavice šaj te našavgjon korkori pestar. Akala šaj te sastljaren pes makhibaja disavi kremaja ja jekhariba (tečnost) so makhela pes ko bradavice. O bradavice šaj thaj te tharen pes ja palem te smrznonkeren pes. Bašo o sastljarija valjani tu te kontaktirine jeke doktoreja thaj o sastljarija lela različito vakti zavisno tari savo metodi lelja pes.

Keda o virus ačhola panda ki ligavica ja pale ki mortik šaj o bradavice pale te iranen pes. Odoleske so isi pobuter

HPV-virusia šaj o bradavice te iranen pes ako infektirineja tut palem. Tegani valjani tuke sastljarija palem. O sastljarija tano bilovengoro.

KO SO TE GINDINE (MISLINE) KO KONDILOM

O kondilomi na kerela ništo ko to šajdipe (mogućnost) te oven tut čhave, bizo razlika so tu sijan murš ja palem džuvli. Ko khamnipa i odoja budučno daj šaj o bradavice te bajron thaj te oven pobuter, ama palo o bijaniba ola našavgjovena. Ko bijaniba isi rizik o čhavo te astarel kondilom.

O kondomi tano jek šukar arakhiba taro buvljariba taro kondilomi. Akava vakerela kaj o kondomi učharela o than e mortikakoro kaj so bešena o bradavice. Tu valjani te vakere te sekspartnereske so isi tut kondilomi da bi te šaj barabar te arakhen tumen.

O kondilom astarela pes taro pobuter razna virus tipija. Nesave virusija so navaljani te den sikavne bradavice šaj kerena averkeriba ko hurdina (celije) ko džuvljakoro organi ko sa o džuvlja bizo razlika ko savo seksualikano karakteri ola odučingje pes. E hurdinengere (celijengere) promene šaj keren te astare pharo o nasvalipe rako ko krlo e matericakoro. Odoleske tano but važno o džuvlja te hornakhaven maškarvakteja o hurdinengere (celijengere) probe.

Tu šaj te vakcirine tut protiv o nesave HPV-tipija. Adava valjani te kerel pes angleder te ovel tut seksualikano pašljojbe. I vakcina dela arakhiba baš o obična virusija so šaj dena bradavice thaj so šaj kerena o nasvalipa rako. Ako sijan vakcirinimo važno odoreder te dža te de e hurdinengere (celijengere) probe.

Akala tekstija tane ikalde 2009 taro socialikano ingaribna thaj tane kontrolirime taro HANS CARLBERG, upro o doktori (baro doktori) Sösam, jekhipe baš i seksualikani sastljarin ki klinika baš o dermatologija thaj venerologija, Söder nasvalipaskoro kher (bolnica); HANS FREDLUND, docenti thaj astaribaskere nasvalipaskoro arakhibaskoro doktori ko Örebro, Univerziteteskere nasvalengoro kher ko Örebro; LENA MARIONS, docenti thaj upro o doktori (baro doktori) ki džuvljengiri klinika, Karolinska Univerziteteskere nasvalengoro kher.

I grafikani forma thaj ilustracija: Infab

